

AS EMBARCACIONES TRADICIONAIS E A SÚA REVITALIZACIÓN

Un ano máis o encontro de embarcacións tradicionais se celebrará na nosa vila, Bueu. Esta ocasión será a oitava dende que se fixera a primeira convocatoria no 1996. Con este motivo parécenos oportuno escribir unhas curtas reflexións sobre o tema que apuntamos no título: as embarcacións tradicionais e a súa revitalización.

Xa se pode dicir que neste tempo transcorreron varios eventos e iniciativas que coa perspectiva do tempo paga a pena tomalas en consideración. O balance é positivo en conxunto.

Hoxe existe un renovado interese polas embarcacións tradicionais, o máis alto que se coñece dende que este colectivo comenzou a andar, a navegar para ser más exactos. Pois diso se trata, revalorizar unha parte do noso patrimonio marítimo poñéndoao no medio que lles é propicio: o mar.

Ben é certo que este empeño non é o único que guía a nosa asociación "os galos", entregada na posta en valor da cultura marítima tradicional. Pero si que é un obxectivo que se vai afianzando e fructificando con logros moi notables. A chave de todo iso está nesa expresión "a posta en valor, tantas veces ouvida e poucas veces sustanciada. Agora ben ¿qué significa isto? sen entrar en disquisicións tecnicistas que non é o momento nin o lugar, a frase significa algo tan obvio como dar un novo valor ó que non o ten.

Efectivamente, ata hai non moi tempo as embarcacións tradicionais e por extensión outros elementos do patrimonio marítimo, non tiñan ese valor patrimonial que hoxe lles estamos dando. Esquecidas, abandoadas, vilipendiadas, e destruídas, todo semellaba actuar cara unha absoleuncia e acelerada desaparición física. A propia situación evolutiva das actividades marítimas, actuaba nese sentido. Basta comprobar como nos portos coma o noso, cada vez máis, aparecían embarcacións feitas noutros materiais e tendentes a unha meirande uniformización. En suma perdíanse sen remedio. Por iso algúns de nós reaccionamos, organizámonos, traballamos, e seguimos traballando.

O resultado é o de preto de dez embarcacións adquiridas, das cales cinco están operativas a vela. Un esforzo titánico si se considera a crónica falta de recursos financeiros e a escaseza de medios humanos cós que contamos. Unha cousa aprendimos de todo isto, non estamos sós neste empeño. Moita xente nos axudou e alentou en proseguir singladuras, deles recibimos apoio varias veces, e non só moral; para eles o noso agradecemento. A cousa chegou a ser algo máis que un pasatempo benintencionado.

Cervecería - Cafetería
Arco da Lúa
Bocatería - Crosantería
c/ Félix Ozamiz nº 13
(Zona Forte)

expert 
TV - VIDEO - HIFI - ELECTRODOMÉSTICOS

 **comercial aviles**

Plaza Arco, 5 - Telf.: 986 30 13 36 CANGAS (Pontevedra)

Chegados a este punto, e cando compre abordar novos horizontes, non esquenzamos que os problemas e ameazas seguen presentes, por iso defendemos nos mesmos unha concepción patrimonial activa. Non basta recoller e conservar. Hai que revitalizar as embarcacións principalmente. Así é como un pode cabalmente comprender e apreciarlas no seu xusto valor. Mantelas en activo do mesmo xeito que se exercita a memoria: para que funcionen. Isto é o que nos coloca na vanguarda da posta en valor dun elemento patrimonial.

O exemplo da acción realizada na Bretaña é para nos un exemplo da actuación que queremos para Galicia. Non convertilas en pezas de museo desfasado con concepcións de posta en valor anticuados. Non algo para ver tan só, fetichizado e do estilo daquilo que nos dician na escola "vese pero non se toca". Non, o que queremos é sentir o vento na vela, ver como a embarcación se desliza entre as ondas, aprender dos vellos mariñeiros como vivian e traballaban nelas. Ese é o noso obxectivo: transmitir esa herdanza. Por iso somos en certo sentido un museo flotante interactivo. Porque patrimonio non é só aquilo que está encerrado nas catro paredes duna sala de museo.

Tamén o somos nos e con diferencia estamos marcando o camiño a outras valorizaciones de embarcacións feitas polas institucións. Por iso sinalar o noso papel de vanguarda. Unha vez máis a sociedade civil toma a iniciativa e supera as institucións oficiais que actúan nesta liña. E con menos medios, menos prestixio oficializado, seguiremos neste propósito e insistiremos con teima nesta concepción: posta en valor activa non pasiva, participación e non contemplación só.



Vinoteca



» Delicatessen » Catering » Tapería

Montero Ríos, 173
e-mail: acepa@bueuocio.com

986 32 00 09
www.bueuocio.com

JUAN VILLAR

PELUQUEROS

Ramal dos Galos, 9 telf. 986 32 43 74 BUEU